

## SAIA TA EPERRA

Sai arroputz ta goseak illa,  
Ipiña'raino zan eldu.

Ta urki gaiñetik eper arrea  
Garitzan eban somatu.

Aren aragiz bere zilbota  
Ase nai eban gaiztoak,  
Ta aiko-maikoka, iruzur utsez,  
Azal eutsozan asmoak.

—«Tira, epertxo! —dirautso nare—,  
Ik soiñu bat dok betiko,  
Ta didar ori, dei ertun ori,  
Etxatak bape gogoko».

—«Zer txarrik ete dagoit, jauna,  
—darantzutso leun eperrak—  
Zirkillu ontan askatu arren  
Ene barneko sugarrak?»

—«Bai, egia dok; askeak gozak;  
Bakotxak nai dauna yagik.  
Baiña ik, lendik be, tint zinkulinka,  
Kezkaz naukak, gogaiturik».

—«Zelan daiteke ori? Ni gaur naz  
Araba-lautik etorri;  
Nik ez dautzut gaur arte, bein bere,  
Emen zankorik ezarri».

—«I ez ba'intzan be, iretarrak bai  
Izango zoazan ziur—.  
Eta, *zast!* moko<sup>z</sup> lepazurra ausiz  
Eperra zan aren zintzur.

Erru bageak zenbaten dozuz  
Era onetan zeetuak,  
Indar zakarra ta guzur motza  
Dirala euren jainkuak.